

Bosna i Hercegovina, Ured Predsjedavajućeg, Ured koordinatora za reformu javne uprave pri Uredu predsjedavajućeg Vijeća ministara Bosne i Hercegovine (u daljem tekstu: Ured) Vrazova broj 9., 71 000 Sarajevo, kojeg zastupa Doc dr Dragan Ćuzulan, koordinator za reformu javne uprave (u daljem tekstu: Kupac)

s jedne strane

i

Grupa ponuđača „MMCC d.o.o., ul. Džavida Haverića br.7, 71 000 Sarajevo i Lanaco d.o.o., ul. Veljka Mladenovića bb, 78.000 Banja Luka“ koju zastupa direktor Nebojša Ninić (u daljem tekstu: Prodavac)

s druge strane

zaključuju sljedeći:

UGOVOR O KUPOPRODAJI ROBA

Član 1. (Predmet ugovora)

- (1) Predmet ovog Ugovora je nabavka i isporuka roba za realizaciju projekta „Jačanje kapaciteta za strateško planiranje i razvoj politika – faza II SPPD II“, a po prihvaćenoj ponudi Prodavca, broj: 162-3/17 od 24.10.2017. godine (u daljem tekstu: Ponuda) koja je sastavni dio ovog Ugovora.
- (2) Kupac i Prodavac su saglasni da Prodavac izvrši isporuke opreme sa karakteristikama navedenim u tehničkoj specifikaciji u ime i za račun kupca, a u korist krajnjih korisnika i to: Odsjek za održavanje i razvoj sistema elektronskog poslovanja i eVlade Generalnog sekretarijata Vijeća ministara BiH, sektor za IT Generalnog sekretarijata Vlade Republike Srpske, sektor za IT Generalnog sekretarijata Vlade Federacije BiH i Sekretarijat Vlade Brčko distrikta BiH - Sektor za koordinaciju politika i opšte poslove - Odsjek za koordinaciju politika.

Član 2. (Cijena)

(1) Ukupna cijena opreme iz člana 1. ovog Ugovora iznosi **123.610,50 KM** (slovima: stotinudvadesettrihiljadešeststotinadeset) sa uključenim porezom na dodatnu vrijednost (PDV)

(2) Cijena opreme iz prethodnog stava ovog člana uključuje:

a) Troškove opreme u iznosu od 101.200,00 KM (slovima: stotinujednahiljadadvijestotine) bez PDV –a utvrđenim u prihvaćenoj Ponudi Prodavca.

b) Cijena licenci zahtjevanih tehničkom specifikacijom u stavkama 6., 7. i 8. tehničke aspekcifikacije u iznosu od 4.450,00 KM (slovima: četirihiljadečetiristotinepedeset) bez PDV –a utvrđenim u prihvaćenoj Ponudi Prodavca.

c) PDV iz tačke a) i tačke b) ovog stava u ukupnom iznosu od 17.960,50 KM.

Član 3. (Rok isporuke)

Prodavac će osigurati isporuku robe iz člana 1. ovog Ugovora u roku od maksimalno 60 dana od dana potpisivanja ugovora.

Član 4. (Način plaćanja)

- (1) Prodavac se obavezuje dostaviti Izvještaj po okončanju aktivnosti iz člana 1. ovog Ugovora, koji uključuje sve originalne potpisane Primopredajne zapisnike za sve lokacije isporuke odnosno institucije korisnice, a kako je navedeno u članu 6. ovog Ugovora, originalni fiskalni račun, fakturu u po dva originalna primjerka, kao i zahtjev za plaćanje koji će glasiti na ukupan iznos ispostavljene fakture.
- (2) Plaćanje roba iz člana 1. ovog Ugovora Kupac će izvršiti uplatom utvrđene cijene iz člana 2. stav (1) ovog Ugovora na poslovni račun broj: 555 007 00000553 53 kod Nova banka a.d. Banja Luka nakon što Upravni odbor Fonda za reformu javne uprave da saglasnost na Izvještaj Prodavca.

Član 5. (Mjesto izvršenja Ugovora)

- (1) Prodavac se obavezuje isporučiti robu iz člana 1. ovog Ugovora na adresu krajnjih korisnika i to: Odsjek za održavanje i razvoj sistema elektronskog poslovanja i eVlade Generalnog sekretarijata Vijeća ministara BiH, sektor za IT Generalnog sekretarijata Vlade Republike Srpske, sektor za IT Generalnog sekretarijata Vlade Federacije BiH i Pododjeljenje za informatiku Vlade Brčko distrikta.
- (2) Nalog za isporuke opreme na adresu korisnika navedenu u stavu (1) ovog člana daje Kupac.

Član 6. (Obaveze Prodavca)

- (1) Prodavac je obavezan obezbijediti sve organizaciono-tehničke pretpostavke za realizaciju predmeta ugovora u skladu sa zahtjevima Kupca, i iste realizovati prema prihvaćenoj Ponudi prodavca.

- (2) Prodavac je obavezan u primjerenom roku, koji nije kraći od dva dana prije dana isporuke, pismenim putem najaviti institucijama korisnicama datum isporuke robe.
- (3) Primopredaju robe treba da prati tehnička dokumentacija koja uključuje originalni primopredajni zapisnik sa listom i specifikacijom opreme sa iskazanim finansijskim vrijednostima, uključujući tehničku i ostalu dokumentaciju za svaku pojedinačnu lokaciju isporuke, dokumente ili certifikate koji dokazuju prava vlasništva nad isporučenim licencama softvera zahtijevanog tehničkom specifikacijom u stavkama 6 i 7, pisanom garancijom koja će biti važeća od momenta konačnog potpisivanja Primopredajnog zapisnika. Primjerak primopredajnih zapisnika sa pretećom dokumentacijom će ostaviti na raspolaganje i institucijama korisnicama radi uknjižbe u njihovim poslovnim knjigama.
- (4) Prodavac je dužan kupcu dostaviti originalne primopredajne zapisnike za svaku lokaciju isporuke sa pratećom dokumentacijom nakon što budu potpisani od strane predstavnika krajnjih korisnika.
- (5) Originalni primopredajni zapisnik, sa potpisom i pečatom Prodavca, potpisan od strane predstavnika krajnjih će predstavljati dokaz za izvršenu isporuku, za svaku pojedinačnu lokaciju.
- (6) Garancija za opremu u trajanju od tri godine kreće od isporuke, instalacije i prihvatanja opreme od strane krajnjih korisnika.

Član 7 (Garancija)

- (1) Prodavac garantuje da će isporučena roba iz člana 1. ovog Ugovora biti tvornički nova, neupotrebljavana, originalna i da će funkcionisati saglasno deklarisanim performansama proizvođača.
- (2) Prodavac daje cjelovitu garanciju BEZ OGRANIČENJA na ispravnost rada opreme koja uključuje garanciju za dijelove, garanciju za radove i garanciju na podršku kako je navedeno u tehničkoj specifikaciji opreme u Aneksu III ovog Ugovora.
- (3) Garancija za opremu, u trajanju od 3 godine, kreće od isporuke, instalacije i prihvatanja opreme. Maksimalno vrijeme odziva na prijavu kvara, nedostatka ili greške je 1 radni dan, vrijeme popravke i otklanjanja je u skladu sa garantnim uslovima proizvođača opreme.
- (4) Prodavac je dužan prilikom isporuke opreme krajnjim korisnicima predati i pisanu garanciju za isporuku koja će uključivati listu proizvoda sa garantnim uslovima u skladu sa ovim Ugovorom.

Član 8.
(Garancija za dobro izvršenje posla)

- (1) Prodavac je obavezan dostaviti Kupcu garanciju za dobro izvršenje posla u iznosu od (10% od vrijednosti ugovora sa uračunatim PDV-om) 12.361,05 KM (slovima: dvanesthiljadatristotinešezdesetjedan i 05/100) najkasnije 15 (petnaest) dana po potpisivanju Ugovora koja će glasiti na period od zaključenja ugovora do isteka ugovora + 30 dana (60 dana + 30 dana).
- (2) Garanciju za dobro izvršenje posla potrebno je dostaviti u formi безусловne bankarske garancije.
- (3) Garancija za dobro izvršenje posla će služiti za pokrivanje svake štete i troškova koje Kupac može imati ukoliko Prodavac povredi Ugovor u periodu od zaključenja ugovora do isteka ugovora + 30 dana.
- (4) Pokriće iz garancije za dobro izvršenje posla ne oslobađa Prodavca odgovornosti sve do namirenja stvarne štete.
- (5) Kupac može u slučaju neispunjenja ili lošeg ispunjenja ugovornih obaveza od strane Prodavca realizovati garanciju za dobro izvršenje posla, nakon što Prodavca pisano obavijesti o propustima u realizaciji ugovornih obaveza i ostavi mu razuman rok za otklanjanje propusta.
- (6) Ukoliko Prodavac ne dostavi garanciju za dobro izvršenje posla u roku iz stava (1) ovog člana ovaj Ugovor će se smatrati apsolutno ništavim shodno članu 72. stav 4. Zakona o javnim nabavkama BiH.

Član 9.
(Sukob interesa)

Prodavac nema pravo da zapošljava, u svrhu izvršenja ugovora o javnoj nabavci, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, u periodu cjelokupne realizacije ugovora.

Član 10.
(Izvještavanje)

- (1) Prodavac će podnijeti Izvještaj Kupcu odmah po završetku aktivnosti, a maksimalno u roku do 15 dana od dana predviđenog za izvršenje Ugovora.
- (2) Izvještaj minimalno mora sadržavati specifikacija isporučene opreme i budžet po upravnim nivoima i institucijama.
- (3) Prodavac je obavezan da dostavi finansijske izvještaje prema formatu koji će mu ugovorni organ dostaviti po potpisivanju ugovora u skladu sa internim Procedurama upravljanja finansijama PAR Fonda.

Član 11.
(Struktura Ugovora)

- (1) Ovaj Ugovor obuhvata sljedeće Aneксе koji su njegov sastavni dio:

- Aneks I: Opšti uslovi Ugovora za projekte finansirane iz Fonda za reformu javne uprave
Aneks II: Ponuda Prodavca broj: 162-3/17 od 24.10.2017. godine
Aneks III: Specifikacija opreme

Član 12.
(Rješavanje sporova)

Ugovorne strane će nastojati svoje eventualne sporove iz ovog Ugovora rješavati sporazumno, a ukoliko to nije moguće, onda u skladu sa članom 36. stav (3) Opštih uslova.

Član 13.
(Primjena drugih pravnih propisa)

Za sve što nije regulisano ovim Ugovorom primjenjivaće se Zakon o obligacionim odnosima.

Član 14.
(Izuzete od primjene)

Na ovaj Ugovor neće se primjenjivati član 19. Opštih uslova.

Član 15.
(Stupanje na snagu i period izvršenja ugovora)

- (1) Ovaj Ugovor stupa na snagu na dan kad ga obje ugovorne strane potpišu.
- (2) Ugovor je sklopljen je na period 60 dana od dana potpisivanja istog.

Član 16.
(Završne odredbe)

Ovaj Ugovor je sastavljen u četiri jednaka primjerka, od kojih svaka ugovorna strana zadržava po dva primjerka.

U Sarajevu, dana 14.06.2018. godine
Broj: 04-07-2-109-1/18

ZA KUPCA:

ZA PRODAVCA:

04-16-4274/18

15.06.2018

AUG